

Akissarsititsisarnermut politikki

Tunggavigisaq

Air Greenland A/S-ip akissarsititsisarnermut politikiani ingerlatseqatigiiffimmi siulersuisunut qullersaqarfimmullu akissarsiarititanut tamakkiisunut sinaakktissat tunggavissallu allaaserineqarput. "Qullersaqarfik" tassaavoq pisortaaneq imaluunniit pisortaanerit, Inuussutissarsiornermut Aqutsisoqarfimmi Air Greenland A/S-imi pisortaanertut nalunaarsorsimasut.

Siunertaq

Akissarsititsisarnermut politikki siunertaq pingaarneq tassaavoq:

- Ingerlatseqatigiiffimmi pisortat akissarsiaannut tamarmiusunut tunngatillugu ammasumik ersarissumillu pissuseqarnissap qulakkeerneqarnissaa
- Siulersuisuni ilaasortat qullersaqarfimmilu sulisut piginnaanillit pileritsatsinneqarnissaat, kajumissaarneqarnissaat pigiinnarneqarnissaallu
- Aktianik piginnittut, siulersuisut qullersaqarfiullu soqutigisaasa akornanni ataqatigiittoqarnissaanik qulakkeerinissaq
- Aktianik pigisallit soqutigisaannut naapertuuttumik Air Greenlandip ingerlatseqatigiiffimmi niuernermit periusissiaanut, piujuartitsinissamik tunggaveqarnermut nalilinnillu pilersitsisarnermi siuarsaanissamut tapersiinissaq

Aktianik piginnittunut malittarisassat pingaarnerit

Aktianik pigisaqartup, Kalaallit Nunaanni Namminersorlutik Oqartussat, pisortat akissarsiaasa, kiisalu akissarsiarititat immikkoortuisa (aalajangersimasut nikerarsinnaasullu) katitigaanerisa, taamaalillunilu pisortat ingerlatseqatigiiffimmi akisussaaffiitut, ersersitsisarnerinut, suliaanut nalilinnillu pilersitsisarnerinut naapertuuttumik

oqimaaqatigiissumillu akissarsiaqartinneqarnerisa ammasumik saqqummiunneqartarnissaannik qulakkeerinissaq kissaatigaa. Tamatuma saniatigut akissarsiarititat inuiaqatigiinni akissarsiat ineriartornerinut naapertuuttumik attuumassuteqartutut isigineqartariaqarput.

Air Greenland A/S
Postboks 1012
3900 Nuuk
Greenland

Tel.: +299 34 34 34
Fax: +299 32 72 88
www.airgreenland.gl
AS Reg. nr. 30672

Siulersuisut akissarsiaqartinneqarnerinut politikki

Siulittaasoq, siulittaasup tullia aamma siulersuisunut ilaasortat nalinginnaasut Namminersorlutik Oqartussat aktianik piginneqatigiiffinni, Namminersorlutik Oqartussanit pigineqartuni akissarsiaqartitsinermut politikkiat naapertorlugu siulersuisuni ilaasortaanerminnut ukiumoortumik aalajangersimasunik amerlassusilinnik akissarsiaqartinneqarput.

Ingerlatseqatigiiffimmiit siulersuisuni ilaasortat siulersuisuni sulinerminnut atatillugu angalanermut, najugaqarnerminnut attaveqaqateqarnerminnullu atatillugu aningaasartuutaat akilerneqartarput. Siulersuisut najoqqutassaat suliaasalu ilaat atortut elektroniskiusut atorlugit isumagineqartarput, taamaattumillu ingerlatseqatigiiffik ilaasortat IT-mut atortunik atuinerannut tapiissuteqartarpoq.

Siulersuisunut akissarsiarititat tamarmiusut ingerlatseqatigiiffiup ukiumoortumik nalunaarusiaani ilisimatitsissutigineqartarput. Siulersuisut kajumissaarutinik akissarsiaqartinneqanngillat.

Qullersaqarfimmi akissarsiarititanut politikki

Qullersaqarfimmi akissarsiarititat siulittaasoqarfimmit (siulittaasumit aamma siulittaasup tullianit) isumaqatiginninniutigineqartarput, aammalu ukiumoortumik naliliiffigisassanngorlugit saqqummiunneqartarlutik. Akissarsiat ilaatigut unammillersinnaanissaat, qullersaqarfimmi piginnaasaqarfinnik aammalu angusanik ersersitsisinnaanissaat, taamatullu ilaatigut sapinngisamik ammasumik takuneqarsinnaanissaat qulakkeerniarlugu pisariunngitsumik ilusilerneqarsimanissaat anguniarneqarpoq. Ingerlatseqatigiiffiup pisortanit pigineqarneranik paasinnissinnaaneq tunngavigalugu akissarsiat aalajangersarneqartarput.

Qullersaqarfimmi akissarsiarititat akissarsiassanik aalajangersimasunik inummullu ajunngitsorsiassanik imaqarput. Taakku saniatigut akissarsiat allanngorarsinnaasunik ilaqarsinnaapput.

Air Greenland A/S
Postboks 1012
3900 Nuuk
Greenland

Tel.: +299 34 34 34
Fax: +299 32 72 88
www.airgreenland.gl
AS Reg. nr. 30672

Akissarsiat aalajangersimasut aamma inummut ajunngitsorsiassat

Akissarsiat aalajangersimasut aamma soraarnerussutisiassanut akiliutinik imaqarput. Inummut ajunngitsorsiassat ajunngitsorsiassanut nalinginnaasunut, soorlu biileqartinneqarnermut, ineqartinneqarnermut, oqarasuaateqartinneqarnermut interneteqartinneqarnermullu, aviisinik attuumassutilinnik pisartagaqartinneqarnermut aammalu inuussutissarsiorfimmi aaqqissuussinernik nalinginnaasunik, soorlu ingerlatseqatigiiffiup iluani politikkit naapertorlugit *ID-travel-imik* atuisinnaanermut tunngasuupput.

Akissarsiat allanngorartut

Angusat tunngavigalugit allanngorartunik akissarsiaqartitsisarneq aqqutigalugu, siulersuisut aktianik piginnittut soqutigisaat tunngavigalugit ingerlatseqatigiiffiup anguniagaannik angusaqarnissamut kajumissaarineq siuarsarsinnaavaat. Akissarsiassanik allanngorartunik akiliinissamut tunngavissat anguniakkani angusat uuttorneqarsinnaasut kiisalu ingerlatseqatigiiffiup anguniagaani anguneqartut ataatsimoortinnerisigut aalajangersarneqassapput. Tunngavissat taakku ukiumoortumik siulittaasoqarfimmit aalajangersarneqartassapput, aammalu siunissami qanittumi ulorianartorsiorfiusinnaasulli pissusilersornermik kinguneqassanngillat. Paasissutissat kingusinnerusukkut kukkusuusut paasineqartut tunngavigalugit akiliisoqarsimappat, akissarsiat allanngorartut utertillugit akilerneqarnissaat piumasarineqarsinnaavoq.

Soraarnermut atatillugu atugassarititaasut

Qullersaqarfimmi sulisut atorfinitsinneqarnerini isumaqatigiissutit nalinginnaasut pingaarnertut piffissamut killiligaassanngillat, aammalu illuatungeriinniit suliunnaarsinnaanermut malitassanik imaqassallutik. Illuatungeriinniit suliunnaarnissamut siumoortumik kalerriinerit qaammatinit 12-init sivilunerussanngillat.

Soraarnissamut piffissaliussap, soraarnermi ajunngitsorsiassat il.il. ataatsimut nalingi. Annerpaamik qaammatini 12-ini akissarsiassat aalajangersimasut amerlaqatigissavaat. Soraarnermi ajungitsorsiassat taamaallaat ingerlatseqatigiiffiup tungaaniit soraarsitsinermi akilerneqarsinnaapput.

Air Greenland A/S
Postboks 1012
3900 Nuuk
Greenland

Tel.: +299 34 34 34
Fax: +299 32 72 88
www.airgreenland.gl
AS Reg. nr. 30672

Namminersorlutik Oqartussat aktianik pisinerannut atatillugu immikkut ittumik bonusisiassat

SAS-ip aamma Naalagaaffiup Air Greenland A/S-imi aktiaataanik pisinissamut atatillugu isumaqatiginninniarnernut atatillugu, 2018-imi pisortani atorfeqartitsiinnarnissaq paasiuminarsaanissarlu qulakkearniarlugit sulititsiinnarniarnermut aaqqissuussinermik, *stay-on-imik* taasamik, ukiut pingasut ingerlanerini ukiumi ataatsimi akissarsiassat nalinginik pisortanut bonusisiaqartitsiviusumik pilersitsisoqarpoq.

Ersarissumik ammasumillu pissuseqarnek

Akissarsititsisarnermut politikki manna ataatsimeersuarnermi akuerisassanngorlugi saqqummiunneqassaaq, tamatumalu kingorna Air Greenland A/S-ip nittartagaatigut tamanut ammasumik saqqummiunneqassalluni.

Akissarsititsisarnermut politikkimi allannguutit siulersuisunit akuerineqartut ataatsimeersuarnermi siullermi akuerisassanngorlugit saqqummiunneqartassapput.

Aammattaaq Air Greenland A/S-ip ukiumoortumik nalunaarusiaanut, ukiumoortumik nalinginnaasumik ataatsimeersuarnermi saqqummiunneqartumut akuerineqartumullu innersuussisoqarpoq. Ukiumoortumik nalunaarusiami allaaserineqarput:

- qullersaqarfimmi atorfillit akissarsiaanni immikkoortut ataasiakkaat tamarmiusullu pillugit nassuiaatit tamarmiusut
- siulersuisunut akissarsiarititat tamarmiusut
- akissarsiarititat akissarsititsisarnermut politikkimut naapertuunneri

Air Greenland A/S
Postboks 1012
3900 Nuuk
Greenland

Tel.: +299 34 34 34
Fax: +299 32 72 88
www.airgreenland.gl
AS Reg. nr. 30672

Air Greenland A/S sinnerlugu

Nuuk, ulloq 23. marts 2021

Siulersuisut

10. maj 2021-mi Air Greenland A/S-ip ataatsimeersuartitsinerani akuerineqartoq.